



高麗史

志

三十五

U甲0
2809
35



門外 6
2809
卷 35



志卷第八

高麗史五十四

正憲大夫工曹判書集賢殿提學知經筵春秋館事兼成均大司成臣鄭麟趾奉

教修

四、二、下

五行二

五行三曰木曲直木之性也失其性為沴故
生不暢茂及為變恠者有之時則有雞禍時
則有鼠妖是為木不曲直其徵恒雨其色青
是為青青青祥 太祖二十一年八月大內
柳院僵槐自起 光宗二十四年二月壬寅

三、例、所、五、十、古

連理木生于京城德瑞里 成宗六年連理
木生于忠州 顯宗七年四月司憲臺庭栢
樹枯死有年至是復生十六年十一月甲申
寶城郡獻珊瑚樹二株十八年七月庚子靈
光郡獻珊瑚樹高八尺枝八十一 肅宗五
年五月蟲食平州管內白州兔山松六年四
月蟲食首押山松辛丑太史奏蟲食松此兵
徵也宜行灌頂文豆婁寶星等道場老君符
法以禳之從之丙寅遂集僧徒于首押山以

禳之丙戌命東北州鎮設神衆道場以禳松
蟲七年四月蟲食松辛亥命僧講華嚴經五
月以禳之五月癸酉親率群臣醮上帝五帝
於禁中配以太祖及大明夜明謝過祈禳三
夜而罷六月丙戌命宰相分祀五方山海神
君於三所又集僧二千分爲四道巡行京城
諱山諷般若經以禳松蟲遂發卒五百捕于
松岳 睿宗五年二月癸巳雨木冰六年六
月中書省櫻桃結子大如杏子而中空無核

十七年七月蟲食松丙戌設佛頂道場于會
慶殿七日以禳之 仁宗十一年四月蟲食
松卜三年二月丁丑雨木冰十五年正月丁
丑雨木冰十七年十二月丁卯雨木冰 毅
宗五年八月海州蟲食松自去歲至是爲蝗
蟲所損太史奏曰海東古賢識記鶴嶺有松
城松爲君臣蝥蛄爲小人嫌食松之時文虎
亂政松變鵠木之歲天下白色 明宗八年
二月壬申居昌縣弓居鄉民家僵梨自起枝

葉復生四月戊寅黃澗縣僵櫟自起壬午利
安縣僵樹自起十一月丁丑木稼十一年二
月丁酉妙通寺南菩提樹鳴如豹聲十二年
正月癸巳木稼十五年正月戊戌木稼十月
戊寅木稼十六年五月西海豐州界蟲食松
葉設齋禳之十七年正月丙午木介丙寅亦
如之二十年十月己酉木稼二十一年正月
己未木稼二十四年十一月辛亥木稼二十
五年正月癸巳西京監軍使廳北榆樹自鳴

凡十餘日二十七年正月丙子木稼 神宗
五年二月戊寅木稼 熙宗四年二月壬寅
木冰 康宗二年四月白州有僵樹三年自
起 高宗十年七月蝗蟲食松葉十一年五
月蟲食安和寺松葉十六年正月庚午朔木
稼丁亥亦如之二十一年十二月戊子木稼
二十二年正月己亥木稼戊申亦如之三十
年正月癸未木稼三十三年十二月癸巳木
稼三十八年閏十月丁丑木稼三十九年十

一月己丑木介四十一年二月庚午木稼十
一月壬戌木稼十二月戊寅木冰四十五年
七月南海平山縣僵樹自起 元宗元年正
月庚午木稼二年正月癸未木稼四年十二
月乙卯木稼甲子亦如之九年十一月壬戌
木稼十一年十二月己亥木稼 忠烈王元
年十月蟲食松葉四年十一月辛丑木稼五
年正月丙辰木稼六年正月乙巳木稼十一
月己酉木稼庚戌亦如之七年十一月癸亥

木稼十一年正月辛卯木稼十五年正月丙申木稼十九年五月乙丑木實皆隕二十年十二月壬午木稼三十一年十一月乙卯雨木冰三十四年正月癸未雨木冰二月丁未雨木冰 忠宣王二年十二月丁未雨木冰戊辰雨木冰二日 忠肅王四年十二月乙巳木稼丙辰亦如之八年正月辛巳木稼九年九月庚辰木稼十一年正月庚子木稼十五年十一月戊寅木冰十七年十一月癸巳

木稼後八年六月辛卯大觀殿銀杏樹自顛十月巳酉木稼十二月丙申木稼 忠惠王後二年二月癸未木稼十二月壬戌木稼五年正月壬午木稼二月癸巳木稼丙申亦如之 忠穆王元年正月乙巳木稼癸丑木介二年十一月辛亥木稼二日三年正月辛酉木稼 忠定王元年正月壬辰朔木稼癸巳亦如之 恭愍王元年二月辛卯木稼二年九月蟲食松葉十一月戊辰木稼大霧咫尺

未辨人物三年正月癸酉木稼乙亥亦如之
六月蟲食松岳松命捕之十二月庚子木稼
五年四月蟲食松葉命捕之六年閏九月癸
亥木稼十月壬午木稼七年十月己卯木稼
十一月丁未木稼八年六月戊子木稼十年
五月庚申蟲食松十一月庚午雨木冰十二
月丁未木稼十一年十二月戊寅木稼十二
年二月戊戌木稼三日十三年五月蟲食松
葉十四年四月蟲食松葉十五年十一月甲

辰木稼乙巳亦如之十六年四月江東有桃
結子每顆一面不毛晉州斷俗寺僵松自起
十九年十月木稼十二月庚午木稼二十一
年二月丁亥木稼二十二年十一月丙辰木
稼十二月丙寅木稼二十三年十月辛亥木
稼丙辰亦如之 辛偶二年閏九月庚戌木
稼三年十二月壬子木稼四年十一月壬午
木稼戊子亦如之五年十月己巳雨木冰八
年二月全羅道錦州有木結實色如粉狀如

手指人以謂木實餅味不如餅十月丁亥木
稼十一月己未木稼甲戌亦如之十二月乙
酉木稼九年二月庚辰木稼十二年十一月
庚午木稼十二月辛卯木稼戊戌亦如之十
四年正月乙酉木稼十一月乙酉木稼丙申
亦如之 恭讓王元年正月乙酉木稼五月
乙亥蟲食松葉乙未令重房率五部人捕松
蟲六月辛丑設大般若法席于龜山寺以禳
之二年二月壬子木稼四月蟲食松岳山松

丁亥發五部人捕之三年四月乙丑蟲食松
岳山松葉發各里各領捕之十二月丁巳木
稼三日己卯亦如之宜州有大樹枯朽累年
是年復條達數榮時人以爲開國之兆四年
五月丙申蟲食松岳山松葉丙午蟲食大廟松
既蟲之食松五六年于茲而大廟之松未嘗
食至是始食之

顯宗三年十月己亥大雷雨五年十一月乙
巳雷雨六年十月癸巳雷雨十三年十月庚

成大雨暴風折木是日以霖雨不止祈晴于
群望十五年五月癸巳雨自春曠甚民有團
聚籲天祈禱王晨起聞其聲因輟膳齋沐焚
香立于殿庭仰天祝曰寡人有過請即降罰
萬民有過寡人亦當之乞垂膏澤以救元元
遂大雨十九年六月淫雨 靖宗元年五月
甲辰祈晴于川上每水旱祭百神於松岳溪
上號曰川上祭十二月乙亥雨六年五月壬
戌大雨弥月八月丁未祈晴于北岳七年十

月乙酉暴雨 文宗元年五月己卯大雨三
年四月乙丑大雨有雹震人及樹木四年五
月辛卯夜暴雨震人及樹木六年六月乙亥
大雨九年五月乙亥大雨雷電有雹十年六
月己卯制令當禾穀垂成淫雨不止將來可
慮其令祈晴于上下神祇十九年十一月甲
申雷雨二十一年十一月壬午日南至大雷
雨二十七年六月庚子祈晴于川上二十八
年四月甲戌大雨百官表賀三十一年八月

辛卯祈晴于川上 宣宗五年八月霖雨傷禾七年十月辛丑大雨十二月辛卯朔大雨 肅宗元年十月辛未大雨雷震三年七月戊申祈晴于松岳十月庚辰雷雨四年八月丙子祈晴于松岳東神川上諸神廟朴淵等五所六年五月庚午大雨十一月辛丑大雨九年十二月戊申大雨 睿宗元年五月丙辰以大雨踰旬祈晴于廟社八陵八年六月己巳祈晴于社稷群望十年五月戊寅雷雨

電十月癸丑雷雨電十一年九月壬子夜雷雨十六年六月丙午大雨自四月旱至是乃雨 仁宗元年十月丙申大雨三年正月庚寅大雨七年八月丙寅以久雨祈晴于山川佛宇八年五月甲辰大雨九年五月辛丑大雨十月乙丑大雨凡四日庚子雷雨十一年五月壬申大雨七月辛未大雨十二月庚子大雨丁未亦如之十二年七月乙亥大雨三日十五年五月庚寅大雨六月辛卯大雨震

南郊人馬罷散祈雨巫女十八年十二月壬戌大雨二十二年十月庚辰大雨雷電 毅宗三年九月丁亥大雷雨四年十月庚戌雷雨七年九月壬辰大雨雷電十一年十一月己巳大雨乙亥丙戌亦如之十二年六月丙申大雨十月乙未大雨震雷十一月丙寅大雨 明宗十一年六月辛酉大雨二十年九月癸丑大雨震電二十二年十月辛丑大雨雷二十三年十月甲寅大風雨雷電 高宗

二年七月辛酉大雨六年五月辛酉大雨八年十一月丁酉雷雨十年九月甲辰大雷雨十一年十一月癸亥朔雷雨十二年夏恒雨傷禾稼三十年六月戊申大雨三十二年九月戊戌大雨雷電暴風飛瓦十月癸亥雷雨四十年七月乙巳大雨傷稼多漂民戶四十五年自六月至七月恒雨 元宗四年五月丙申大雨十年十月辛巳雷雨壬辰亦如之十四年閏六月庚申大雨傷稼 忠烈王

十三年五月辛卯朔大雨十五年八月甲子
大雨二十一年十二月辛酉大雨二十七年
六月戊申大雨傷稼三十一年十月甲申雷
雨 忠宣王五年十一月己亥大雨 忠肅
王二年六月癸巳大雨三年六月甲戌雨翼
日大雨四年四月甲子大雨五年六月丙午
大雨八月甲午大風雨未偃木拔凡二日六
年六月丙午大風雨七月戊寅大風雨震電
九月戊申大雨雷電七年九月甲午雷雨十

別行

六年三月己卯雨大風七月戊辰大雨人有
溺死者 忠穆王元年十月丙辰大雷雨
忠定王元年十月己丑暴雨雷電三年十月
戊寅大雷雨 恭愍王三年五月戊子大雨
四年正月甲子大雨五年七月壬辰大雨人
家漂沒者多十一年十一月乙巳大雨震電
甲寅雷雨虹見地震十六年五月甲辰大雨
時南方大旱行旅不得水熊津渡淺纒濡馬
足至是乃雨民始播稻六月庚申大雨五日

十三年五月辛卯朔大雨十五年八月甲子
大雨二十一年十二月辛酉大雨二十七年
六月戊申大雨傷稼三十一年十月甲申雷
雨 忠宣王五年十一月己亥大雨 忠肅
王二年六月癸巳大雨三年六月甲戌雨翼
日大雨四年四月甲子大雨五年六月丙午
大雨八月甲午大風雨禾偃木拔凡二日六
年六月丙午大風雨七月戊寅大風雨震電
九月戊申大雨雷電七年九月甲午雷雨十

六年三月己卯雨大風七月戊辰大雨人有
溺死者 忠穆王元年十月丙辰大雷雨
忠定王元年十月己丑暴雨雷電三年十月
戊寅大雷雨 恭愍王三年五月戊子大雨
四年正月甲子大雨五年七月壬辰大雨人
家漂沒者多十一年十一月乙巳大雨震電
甲寅雷雨虹見地震十六年五月甲辰大雨
時南方大旱行旅不得水熊津渡淺纔濡馬
足至是乃雨民始播稻六月庚申大雨五日

十七年十二月辛巳夜大雷雨二十二年七月丙辰大雨二十三年正月戊子雨大雷電有魚墮落十一月己巳大雨雷電 辛禍元年六月丙午漢陽府大雨三角山國望峯崩九月癸亥驟雨大風天大震動十月己巳雷雨大風行消災道場於外院寺十一月辛巳朔大雨震電祔敬孝大王于大廟不克祔三年二月甲戌雨震電三月戊子大雨十月丁巳雷雨四年十一月辛未雷雨七年七月癸

亥大雨水溺死者多八年五月己未大雨九年五月丁未無雲而雨丙辰大雨十月乙亥大雨震電丙子亦如之十年十月戊寅雨震電 恭讓王元年八月自四月至是月恒雨水湧山崩十月丁酉大雨震電二年五月乙卯以陰雨連日不開故設祈晴法席于順天寺六月丁卯命禳淫雨及蝗蟲之災九月壬辰大雨雷電雨電丙午大雨震電人畜有凍死者三年四月庚午大雨十月丙寅大雨震

電四年四月壬戌雨自正月不雨至于是月
六月庚午大雨雷電震城中人畜
顯宗十一年十一月壬戌卿雲見
太祖十五年四月西京民張堅家雌雞化為
雄三月而死 顯宗八年四月尚乘局雌雞
長鳴 明宗十七年京城群雞鳴不鼓翅
忠烈王三年昇平郡任內別良部曲長大冲
家雌雞化為雄羽毛尾距皆具唯冠未甚高
大冲云此雞生二十年每年生雛前歲不乳

今忽變為雄

元宗二年正月北人言群鼠渡江皆入我境
宣宗十一年十月丙子有青赤氣去日二十
餘尺 睿宗二年十二月辛丑南北有青白
氣西方有赤氣 高宗四十三年七月辛丑
東方青赤氣相對周天 恭讓王二年四月
甲寅日旁有青赤氣中大而端尖
靖宗二年二月戊寅諸神廟屋自頽九年五
月庚辰興國寺門廊二十一間自頽歷死八

十餘人 宣宗五年六月癸卯大倉南廊自
壞歷死者數人 獻宗元年六月癸巳奉恩
寺真殿御榻自動 睿宗十七年四月辛丑
羅城宣義門自毀 仁宗四年四月宣旗門
外簷毀十一年三月甲申昇平門鷓尾若動
搖然 毅宗六年四月丁卯宴萬壽亭將罷
假山頽乳雞鳴 明宗九年三月戊子市肆
廊廡十餘楹自頽十四年八月乙酉龜州宮
壽門自動凡二日屋瓦皆飄落二十六年四

月甲寅壽昌宮中書省門自頽 忠惠王後
五年正月辛卯典法司門頽 忠穆王三年
七月己未市邊行廊自頽十一月丁未牛臺
自頽
五行四曰金從革金之性也失其性為渣時
則冶鑄不成為變恠者有之時則有訛言時
則有毛蟲之孽時則有大禍其徵恒賜其色
白是為白眚白祥太祖十一年八月原州山
澗寺鉄佛汗三日 顯宗三年六月高州城

西大石自行十餘步六年五月甲申通州有大石自行十一年六月乙未豐州海邊平地大石自行百步而止十三年五月乙亥溟州上言銀鑛出旌善縣二十年七月聞喜縣出水精玉璞四萬餘枚 文宗十年正月辛未隕石于黃州聲如雷十一年正月乙未隕石于黃州聲如雷 睿宗十四年十一月壬申屋瓦庭埽冰有文如花卉狀 仁宗二年三月東海中兩石進退相擊 明宗六年三月

癸丑西京江邊石自生火十六年正月戊申西京仁王寺南川東石大如甕夜自移于川西 康宗元年十月壬午有石自移於敦化門內二年二月西京揚命浦水中石大如甕自出陸移一百二十尺許 高宗六年閏三月壬寅有石出西京長命浦水中登陸向北轉行一百六十七尺又有二石出多慶樓南淵中轉沙石間宛然成蹊始則並行百步許終則一石向北行八十三步一石向東南行

八十三步七年三月丙午耽羅郡有石百餘
自行中有最大石欲還來而止餘石皆止不
行八年二月己巳西京馬灘邊有大石自移
十七年正月壬辰隕石于中原府二聲如雷
七月乙未隕石于安南府通津縣 元宗二
年四月丁巳西京羊血浦石出水陸行 忠
烈王十九年二月丁酉西北面鐵州烽串浦
有大石自移一千七百八尺許三月己丑崇
教寺東路橋石自裂聲如牛吼二十年三月

隕石于尼山縣其質如玉形如雞子三十四
年二月癸巳隕石于漳州聲如雷 忠穆王
元年正月己亥有大石自涉長湍渡
太祖十七年西京旱蝗 成宗十年七月旱
教曰季夏已闌孟秋將半尚愆時雨心軫憂
懷未知政化之陵夷歟刑賞之不中歟啓牢
獄放囚徒避正殿減常膳祈天禱佛望祀山
川未觀石燕之飛轉見金烏之赫由予涼德
致此亢陽欲推養老之恩以表憂農之念准

雍熙三年賜給老人制在京城庶民年八十
已上者所司具錄姓名申聞 顯宗二年四
月旱丁未禱雨于宗廟移市肆禁屠宰斷繳
扇審冤獄恤窮匱辛酉禱雨于松岳大雨三
年六月以旱命有司治冤獄放輕繫禱祀山
川八年九月旱蝗王避正殿減常膳十年四
月旱癸卯禱雨于神祠五月辛巳以旱慮囚
十一年七月乙丑以久旱慮囚大雨十二年
四月旱庚午禱雨五月庚辰造土龍於南省

庭中集巫覡禱雨庚寅雨十三年五月旱庚
午禱雨于群望十四年六月戊戌以旱慮囚
十五年四月旱己卯禱雨于群廟十六年四
月旱甲子教曰農事方殷亢陽爲沴恐乏蒸
民之食軫予宵旰之懷是宜避正殿減常膳
禁屠宰輟樂懸審冤獄禱群望匪惟寡德深
合責躬凡百官僚亦當自勗十八年五月庚
子朔禱雨于群望甲寅以旱避正殿減常膳
疏決獄囚乙卯再雩丙寅雨二十二年四月

旱戊子禱雨于群望 德宗元年三月庚子
以旱放奉恩重光兩寺役夫四月辛酉親醮
于毬庭禱雨 靖宗二年五月癸卯設道場
於文德殿禱雨五日六月乙卯設道場於文
德殿禱雨乙丑王親醮乃雨六年四月旱丁
未禱雨於臨海院五月乙卯朔禱雨于北岳
辛酉醮于會慶殿禱雨七年五月旱庚午設
金剛明經道場于文德殿禱雨乙亥雨八年
六月旱庚辰禱雨于宗廟山川九年五月旱

已卯雨 文宗元年四月癸亥王以自春不
雨避殿輟常朝斷屠宰止用脯醢令中外慮
囚五年三月旱壬戌禱雨于川上壬申亦如
之五月辛未再雩六年五月甲寅王以旱避
正殿減常膳令中外慮囚六月乙亥設金剛
道場於文德殿禱雨十一年五月戊寅禮部
奏謹按今自孟夏雨澤愆期又廣州牧報田
野乾焦殆失歲望請於松岳東神堂諸神廟
山川朴淵等五所每七日一祈又令廣州等

州郡各行祈雨制可壬午禱雨于諸神廟戊子再禱乃雨十八年四月甲戌有司奏自春亢旱焦禾損麥請移市肆禁傘扇從之二十年四月癸巳再雩五月乙卯禱雨于川上二十三年四月旱五月甲申禱雨二十四年四月旱辛未禱雨于川上二十五年五月旱丁亥禱雨於川上六月甲子禱雨于川上二十八年四月戊辰朔以旱徙市二十九年五月辛酉朔太史奏自春至夏亢陽不雨恐傷稼

禱請禱于丘陵川瀆制可三十六年三月庚子命有司禱雨于山川杜稷五月旱癸巳醮九曜堂禱雨庚子又禱于興國寺三十七年六月旱丁卯禱雨于宗廟杜稷宣宗二年四月庚寅以旱命有司講雲雨經於臨海院七日又禱于山嶽五月甲寅設金剛明經道場于乾德殿七月禱雨三年三月乙酉禱雨于山川四月癸巳又禱辛丑有司以久旱請造土龍又於民家畫龍禱雨王從之是日徙

市四年四月乙巳設金剛經道場于乾德殿
七日禱雨戊申又禱于普濟寺五月丁巳再
雩己卯親臨于會慶殿禱雨五年四月丙申
以旱甚王備法駕率百僚如南郊再雩巷市
禁人戴冒揮扇壬寅又禱于宗廟社稷山川
六年五月乙亥以旱命有司畫龍禱雨巷市
掩骼六月辛丑禱雨於宗廟七陵八年五月
旱乙丑禱雨于社稷丁卯禱雨于大廟七陵
六月甲午再祈于社稷丁酉又祈于大廟七

陵 肅宗元年五月旱戊申設金剛經道場
于乾德殿禱雨三年四月旱己亥禱雨于五
海神四年五月乙巳禱雨于諸神祠六月戊
戌禱雨于諸神祠及扑淵川上五年六月乙
卯禱雨于大廟八陵及松嶽東神祠六年四
月癸巳以旱禱雨于天地宗廟山川甲辰醮
太一祈雨乙巳曝巫祈雨丁未設龍王道場
于臨海院祈雨己酉又禱于天地宗廟丙辰
大雩五月壬戌禱雨斷扇徙市九年八月丙

平王幸南京駕次常慈院遣侍御史崔誦賈
御衣茶香禱雨于三角山僧伽窟 睿宗元
年六月旱戊子禱雨于法雲寺七月庚寅朔
召王師德昌講經祈雨辛卯大雪丁酉祈雨
于諸神廟己亥王率兩府臺省兩制及三品
官親祀昊天上帝於會慶殿配以太祖禱雨
二年四月旱戊辰禱雨于朴淵甲申禱雨于松
岳東神祠五月乙未又禱雨于廟社及群望庚
子亦如之百官禱雨于興國寺壬寅又禱雨于法

雲寺乙卯醮太一于乾德殿以禱三年四月
旱癸未禱雨于諸神廟及山川六月戊戌禱
雨于諸神廟及山川庚子雨六年四月旱庚
戌再雩五月甲子禱雨于廟社諸陵山川七
年五月旱乙丑禱雨于興國寺八年四月旱
戊申禱雨于九曜堂三日九年五月旱庚辰
禱雨于群望六月己酉禱雨于社稷十一年
三月旱己未禱雨于祠宇四月丁卯禱雨于
山川諸祠己巳又禱雨于九月山十五年五月

旱甲子禱雨于山川社稷六月辛未雩七月
庚戌又禱于圓丘廟社群望自夏至八月不
雨五穀不登疫癘大興十六年五月旱癸亥
百官禱雨于興國寺五日閏月丁卯召王師
德緣禱雨於乾德殿五日又禱于佛宇神祠
辛未聚巫又禱壬申復召德緣禱于山呼亭
丙子親醮于純福殿禱雨又禱于王輪寺戊
寅又禱于日月寺庚辰聚僧于山呼亭講經
祈雨辛巳命有司雩祀圓丘壬午禱雨于法

雲寺六月己亥再雩庚子命百官設羅漢齋
禱雨 仁宗元年五月丁巳以旱避正殿集
僧內殿講佛經禱雨不得甲子造土龍于都
省廳聚巫禱雨己巳醮于會慶殿禱雨三年
四月旱戊辰幸普濟寺禱雨丁丑幸妙通寺
禱雨六月乙巳再雩四年五月旱庚辰命文
武百官齋僧祈雨六年五月旱庚戌禱雨于
廟社山川八年四月旱戊子詔再雩祈雨太
史奏必先祈川上松岳東神諸神廟栗浦朴

淵而後再雩可也宜當兩京内外公私罷土
木興作之役從之七月旱乙巳祈雨于山川
諸神祠十一年五月庚午集女巫三百餘人
于都省廳祈雨六月己亥又聚巫禱雨辛丑
令百僚設齋以禱乙巳再雩庚戌三雩十二
年五月庚戌朔集巫于都省廳禱雨戊辰又
禱于諸陵及廟社山川己巳再雩六月己卯
朔集巫二百五十人于都省禱雨辛卯幸靈
通寺又禱十五年五月旱己卯禱雨于廟社

壬午會巫都省庭禱雨己丑祭天祈雨十八
年閏六月丁亥設金經道場於金明殿禱雨
己丑聚巫又禱辛卯親禱于法雲寺丁酉醮
于宣慶殿以禱戊戌又親禱于外帝釋院
毅宗三年四月己卯禱雨于山川及諸神祠
五月辛卯再雩五年閏四月乙亥以旱禱雨
于名山大川及諸神祠六月丁酉以旱禁扇
七月壬寅設龍王道場於貞州船上禱雨七
日甲辰設羅漢齋于普濟寺禱雨丁未雨六

一字
丁酉

年四月己卯禱雨于山川及諸神祠丙戌亦
如之七月甲午朔禱雨于山川及諸神祠十
二年四月乙巳醮于賞春亭禱雨戊戌再雩
十四年五月戊戌再雩十五年六月癸丑再
雩十六年四月甲申以久旱再雩五月風旱
為甚二十三年四月辛卯雩自正月不雨至
于是月 明宗三年四月丙子聚巫禱雨分
遣近臣禱于群望自正月不雨川井皆渴禾
麥枯槁疾疫並興人多飢死至有市人肉者

又多火災庚辰兩府宰樞禱雨于普濟寺戊
子宰樞又禱于神衆院五月甲辰令文武三
品抽祿設齋于普濟寺以禱五年七月乙巳
禱雨八年五月甲午禱雨壬子聚巫都省禱
雨辛酉再雩十一年四月辛酉禱雨于宗廟
陵寢岳瀆及諸神祠癸酉親醮內殿又望祭
北郊于玄虎門樓禱雨五月辛巳再雩十四
年四月庚寅以久旱慮囚十九年閏五月丙
寅以久旱禱雨于群望宥冤獄辛未又禱于

名山大川諸神祠及廟社巷市癸酉聚巫禱
于都省丁丑雩又禱于群望二十一年七月
巳酉再雩二十四年六月戊戌親禱雨于妙
通寺太雨二十五年六月辛酉再雩 神宗
元年六月辛未再雩四年六月辛巳再雩五
年五月丁亥再雩 康宗二年五月丙寅以
早再雩 高宗二年四月旱三年四月旱五
月丁丑禱雨于諸神祠六月癸卯禱雨六年
五月旱十三年六月旱十六年四月辛亥以

旱雩五月戊子禱雨乙未幸賢聖寺禱雨十
七年五月旱十八年四月旱五月丙戌朔以
久旱赦中外罪囚戊子再雩十九年五月丁
亥以旱再雩二十九年八月壬子以久旱徙
市三十年五月以旱赦中外二罪以下設雲
雨道場于內殿五日六月丙午朔王如奉恩
寺以旱去繳扇三十三年六月旱三十七年
五月旱丁丑設功德天道場于本闕禱雨癸
未再雩乙酉徙市巳丑聚巫都省禱雨三月

辛卯又雩壬辰雨三十八年五月旱丁卯雨
三十九年五月旱丙戌禱雨于諸神祠癸巳
庚子亦如之六月戊寅雨四十二年自三月
至七月清州以南大旱 元宗元年三月旱
乙未雨五月京畿旱蝗六月戊戌王以大旱
去陽傘禁著帽二年四月辛丑以旱禱于圓
丘乃雨四年五月旱十三年四月丙辰以旱
雩五月庚申雨十五年五月旱 忠烈王二
年六月旱壬午禱雨于諸寺五年五月旱六

年自二月至五月不雨七年五月戊申以久
旱禁戴笠持扇甲寅雨八年四月己酉以旱
徙市九年六月旱十年五月癸亥以旱徙市
丁丑集巫于都省禱雨十一年四月己未以
旱卷市五月乙亥雨十三年三月旱甲寅禱
雨四月以旱慮囚庚午禱雨于佛宇神祠癸
未宰樞施私財禱雨于普濟寺五月辛卯朔
雩大雨十五年五月庚辰以旱卷市辛卯聚
巫禱雨十六年五月癸卯朔以旱卷市二十

七年自正月不雨至于八月二十九年閏五月以旱雩庚午大雨八月肅州旱甚郊野自燒三十年四月旱乙未聚巫禱雨三十二年六月以旱聚巫禱雨三十四年五月戊辰禱雨甲申又禱于圓丘 忠宣王元年四月丁丑禱雨于圓丘三年自四月不雨至于八月五年五月辛卯以旱禱雨于圓丘 忠肅王二年五月丁巳禱雨三年五月戊午以旱禱雨丁卯再雩戊辰禱雨于佛寺己巳聚巫又

禱五年二月庚辰王以旱大醮于康安殿王曰明日必雨果驗四月己未聚巫禱雨從市庚申又禱于佛寺五月戊辰再雩禱雨于佛寺乙亥雨乙酉又禱于妙通寺丙戌王命収事審貼燒之雨八年三月辛亥再雩癸巳禱雨于圓丘辛丑雨六月戊午禱雨甲子雨十一年四月壬申以旱禁酒丁丑雨丙午禱雨十二年四月甲辰禱雨五月旱辛酉雨十六年自四月至五月旱五月丁卯聚巫禱雨六

日癸未雨 忠肅王後元年五月辛卯聚巫
禱雨甲午雨丙申雨四年自三月至四月不
雨五月壬午朔以旱徙市聚巫禱雨庚戌雨
八年六月乙卯禱雨七月戊午朔雨 忠惠
王後二年五月己未禱雨四年四月自春徂
夏不雨至是雷雨大至五年四月旱 忠穆
王元年七月乙酉以旱零二年五月辛卯命
僧白雲祈雨不得癸巳聚巫三司禱雨又禱
于佛寺徙市六月庚寅雨三年四月辛丑監

察司以旱禁酒五月乙巳降香祈雨於諸寺
丁未設祈雨道場於內殿及福靈禪源王輪
興王等寺己酉又禱於諸寺丙寅徙市 恭
愍王三年五月辛未以旱禁酒減膳丙子聚
巫禱雨丁丑再禱于群望辛巳卷市壬午祈
雨於白蓮堂丁亥再零七年四月戊寅禱雨
于福靈寺諸神祠自春至夏旱暵漸極命御
史臺禁酒己卯雨八年六月楊廣全羅慶尚
道大旱九年四月丙子禱雨十年五月丁卯

禱雨于大廟己巳卷市十二年四月庚子朔
祈雨于毬庭十四年四月辛丑以旱雩五月
甲戌以旱置刑人推整都監按雪冤抑十
七年六月庚申以旱甚禁宰牛埋冤獄閏七
月以旱放影殿徒役二十一年四月辛卯以
旱禱雨二十二年四月庚辰禱雨于廟社群
望己亥又禱于內殿五月戊申雨 辛禱元
年七月辛未禱雨于宗廟丁丑雨二年五月
丁丑以旱祈雨于宗社山川辛巳以旱不

雨因祈雨滂祀頗多六月甲午雨丙申己亥
又雨三年四月旱五月癸未雩且遍禱于佛
宇乙酉又禱于朴淵臨津戊子卷市乙卯大
雨六月庚戌禱雨辛亥傳旨都堂曰旱災太
甚豈無其故必是人怨所召肆予屢放囚貶
欲慰人心卿等因循不肯行得無不可於是
宥二罪以下唯金續命不原四年五月戊寅
以旱宥二罪以下庚辰卷市戊子禱雨于宗
社六月癸丑雨五年五月辛未攝事行端午

祭是時朝夕風寒久旱不雨兼行祈雨祭乙酉以旱零祀圓丘又祈于宗廟杜稷朴淵開城大井貞州等處七年四月庚辰禱雨于演福寺辛巳亦如之壬午以旱錄囚癸未又禱于群望五月丙戌雨壬寅以旱鑿城中池又禱雨于演福寺甲辰巷市壬子遣密直提學張夏及判事楊宗真禱雨于開城大井是日雨七月癸卯禱雨于演福寺徙市八年四月辛巳禱雨于佛宇神祠丙午又禱于朴淵及

開城大井五月壬子禱雨于山川乙卯雨九年三月壬子旱禁酒四月丙戌以旱宥二罪以下庚寅禱雨于演福寺五月甲寅如寶源庫禱雨壇親自擊鼓以禱十年六月壬辰以旱禱雨于演福寺翌日禡率宮娥至是寺手擊鐘鼓以禱十三年四月甲辰禱雨五月辛酉以旱禁酒癸亥禱雨 恭讓王元年四月甲子以旱宥雨三年四月己巳以久旱放輕繫

成宗七年蝗 穆宗十二年六月東北界蝗
顯宗七年七月蝗庚申教曰北閩秋稼將
成飛蝗爲害豈刑政之或戾將災沴之使然
其內外因徒流以下取保出獄疏理速決九
月已酉教曰南界州縣蝗旱重仍言念飢民
能無貴已宜避正殿減常膳禁諸宮院飲酒
作樂十一年六月西北界蝗十九年八月西
北界蝗 仁宗五年七月西京西北道蝗二
十三年七月北界昌朔龜義靜龍鉄等七州

及西海道海州蝗太史奏曰今蝗蟲四起此
乃國多邪人朝無忠臣居位食祿如蟲宜舉
有道之人置之列位以弭其災 毅宗元年
七月海州蝗三年六月蝗 明宗二十一年
八月西海道蝗大傷禾稼 神宗二年七月
戊戌以蝗蟲風災分遣近臣慮中外囚 高
宗十五年五月辛丑北界兵馬使馳報蝗害
稼正分遣內侍禱于中外神祠四十二年七
月江陽郡蝗食桑葉成蠶 忠烈王六年三

月蝗十七年五月蝗 忠惠王後四年八月
東界山谷有蝗 恭愍王十四年五月京畿
蝗 辛禡二年九月西北面蝗 恭讓王二
年五月蝗六月戊辰江陵交州蝗蟲食苗
顯宗五年十一月庚寅訛言北山諸寺僧舉
兵來京城大駭戒嚴 睿宗七年十一月戊
寅昏時京中人家忽然驚動呼號久而乃止
仁宗元年三月四方訛言有司將取民間
小兒投之江中轉相驚恐至有亡匿山中者

別

西海道尤甚 明宗十三年二月自京西州
縣達于京城訛言國家禁畜白犬不從令者
誅於是凡畜白犬者皆殺之或投之江中其
不欲殺者涅其毛特下詔禁之乃止八月癸
巳朔夜城中大驚譟聲震都下十五年妖言
江南婦女美艷無夫壻者皆死良家女聞之
曰吾屬當死何所惜至有淫奔街巷者王聞
之命有司設佛事以禳之 高宗十年三月
京城妖言今月初八日人出門外則輒死是

日市肆爲空十八年十月乙丑東京馳奏有
木郎言我已到敵營元帥某某人也我等五
人欲與交戰期以十月十八日若送兵仗鞍
馬我等便當報捷因以詩寄崔瑀曰壽夭災
祥非一貫人人居此未曾知除災致福是難
事天上人間捨我誰瑀傾信私備盡韉鞍馬
授內待金之簾送之其後無驗木郎即木魁
三十六年十一月有童謠云瓠之木枝切之
一水鑿陋台木枝切之一水鑿去兮去兮遠

而去兮彼山之嶺遠而去兮霜之不來磨鎌
刈麻去兮三十七年五月京城訛言用人五
十祭天狗男女惶怖茲猾因之乘昏淫盜者
甚衆御史臺榜諭不能禁月餘乃息 忠烈
王二十年正月童謠云萬壽山烟霧蔽未幾
世祖皇帝計至 恭愍王十年十一月王避
紅賊幸福州乙未幸映湖樓乘舟遊賞觀者
如堵或有誦讖而嘆曰忽有一南寇深入卧
牛峯又云牛大吼龍離海淺水弄清波古聞

其言今見其驗十二年六月甲子闕內驚十
六年民間訛言五六月人當盡死人各羹衣
食待之憲司禁之益譁十八年二月丙辰寅
時訛言唐船已入西江城中汹汹流離失所
者頗衆二十一年六月庚辰訛言唐人食人
於京內外二十二年四月義成庫洞有巫女
夜夢蝦蟆無數聚于一處有一青衣女來蝦
蟆向青衣女死俄而黃衣女來青衣女承命
於黃衣女傳於巫女曰汝言於上雖作大家

九吾不居之速罷影殿役翼日午有神降于
巫女曰今國多妖孽亡徵見矣吾受國恩有
陰騭故國尚不亡盍告玉吾還正陵矣 辛
禍十四年童謠有木子得國之語軍民無少
老皆歌之 恭讓王三年十一月民間訛言
帝使求童女而來舉國疑懼嫁女之家燈燭
相連輝映街里其不備禮而婚嫁者不可勝
計
太祖元年八月戊辰虎入都城黑倉垣內射

獲之筮之曰虎猛獸不祥是主兵也 顯宗
二年五月癸未西京人獻兔一首二身三年
閏十月壬申獐入遼庭六年三月狐登右倉
圍上向人而噪又虎入歸仁門七年七月壬
戌虎入城十年五月京畿多虎十一年九月
壬申虎入城咬人二十年四月乙未虎入京
城 德宗元年二月壬戌虎入宣喜門 靖
宗二年八月丁未虎入京城 文宗二十年
二月甲午虎鬪死于宮城北二十一年閏正

月虎屢入京城 肅宗六年十二月癸卯虎
入城中害人八年十一月戊戌虎入禁苑山
呼亭壬寅京畿多虎命軍士捕之 睿宗六
年十一月虎入都城多害人物十三年二月
戊午虎入太子行宮 仁宗七年十月丙戌
狐鳴都省廳及大倉北垣十一年五月丙寅
獐入兵部前路十五年二月辛丑狐鳴壽昌
宮中 毅宗元年七月壬申夜虎入選軍太
史奏邇來猛虎入選軍兵刑部興國寺及閣

卷夫虎者山林之獸也握鏡曰虎狼入國府
中將空荒八月己亥夜虎入大明宮十二年
七月己未虎入京城 明宗六年九月甲辰
虎入大明宮八年九月戊子虎入京城十年
正月戊寅虎入城市十八年四月辛未豹入
城十九年十一月乙丑虎入延慶宮內二十
七年正月癸卯虎入穆清殿 高宗四年三
月壬午狐鳴御果園六年四月壬辰虎入賞
春亭十一月丙辰有獐出自廣化門七年四

月丙子虎入壽昌宮寢殿九年九月丁未鹿
入市十三年八月庚戌熊入城十月丁酉熊
又入市街二十二年一月辛巳虎入御井二
十九年四月北界熊羆多入海島 元宗元
年二月壬寅虎入內城二年正月虎聚固城
縣石泉寺洞擊鼓而舞四年五月庚子十鹿
入城六年七月壬戌虎入關東門外咬殺人
七年十月壬戌狐鳴于寢殿十年八月辛丑
有鹿入宮中十五年四月己酉虎晝入京城

忠烈王三年七月辛亥二鹿入市十一月
乙未鹿入城四年五月壬寅鹿入城五年六
月乙巳鹿入沙坂宮十月丁亥鹿入城六年
十月庚辰鹿入沙坂宮九年四月庚戌虎入
城咬人五月辛酉虎入市六月丙戌鹿入城
十年二月戊戌虎入市十三年閏二月甲子
虎入城四月乙亥有狐晝入大殿己卯狐入
城十五年五月甲申虎入城咬人十八年七
月丙戌虎入城八月癸丑鹿入城十九年二

月癸巳虎入王宮三月己丑鹿入城四月己
丑鹿入宮中二十一年二月壬辰虎入城二
十二年二月癸亥虎入壽寧宮三月丁丑虎
入城四月庚戌鹿入城二十三年二月乙未
虎入城二十九年五月丙申虎入城閏五月
辛巳虎入市三十四年四月癸卯羊入行省
忠宣王元年八月壬戌有兔出壽寧宮三年
四月虎連入城中五月丁亥虎入城五年五
月己亥二狐入延慶宮 忠肅王三年二月

癸未虎入城十一年五月乙未鹿入城中十
二年九月丙子獐入旻天寺毛色異常十六
年四月甲午獐入康安殿 忠肅王後六年
五月戊申虎入城十一月癸丑狐鳴時坐宮
忠惠王後二年五月己卯鹿入城三年三
月丁酉虎入城咬人四年三月辛卯二獐入
城四月壬寅獐入城五年二月甲午虎入城
丁酉虎入城又狐鳴于市廛廊上 忠穆王
三年五月己巳獐入城四年二月乙未虎入

城四月庚辰獐入城八月丙子二鹿入壽德
宮 忠定王元年九月丁丑山羊及狐獐入
城市三年正月癸亥狐入城九月辛亥鹿入
城 恭愍王元年正月辛未虎入城三月壬
申虎入城四月壬戌豹入城癸亥獐入城十
二月二鹿入城二年四月壬子獐入城八月
辛亥狐入城九月辛卯狐鳴于延慶宮三年
九月乙亥狐鳴于延慶宮十月甲午狐入豐
儲倉四年四月丁巳獐入城六年閏九月壬

高麗史卷五十四 三十八
成狸入延慶宮苑內庚午狸入闕內而死十
二年閏三月癸未二獐入城中戊子獐入城
中十三年六月己酉狼入城十四年七月辛
巳虎入城癸未狐鳴于宮北九月丁卯夜虎
入城十一月癸丑狐鳴景靈殿十五年四月
辛巳獐鳴東宮九月丁未以狼入城設金經
道場十六年四月壬子獐入時坐宮坊癸亥
狼及獐入于市又獐入城十九年十月壬辰
虎入城二十二年五月甲辰獐入城二十三

年四月丙申朔獐入城 辛禡元年正月己
巳虎自宣義門入城四月壬子獐入城二年
五月甲寅朔獐入都省韃庭三年三月辛巳
狐入宮中四年八月丙午虎入京城多害人
物五年正月辛卯狐鳴于本闕八月癸巳狐
鳴于韃庭七年二月己丑獐入城庚寅二獐
入城四月甲子獐入城日官奏按秘記云獐
入國中其國亡願小心修省母事遊畋五月
庚戌獐入城八年二月甲戌狐入城九年正

月乙巳妖狐鳴于闕傍三月己酉狐鳴於苑
苑八月丁丑獐入城十年二月己卯獐入城
四月己卯獐入城十一年七月癸酉狐鳴康
安殿十三年九月己卯狐鳴于時坐所 恭
讓王二年正月辛未狐出壽昌宮西門走入
息親觀西岡三月甲申獐入城九月甲寅虎
入新都門下府搏人而去時遷漢陽纔數日
虎多害人畜人皆畏懼王遣使祭白岳木覓
城隍以禳之三年九月丙午虎入城四年五

月丁亥獐入孝思觀六月丙辰鹿入京城

熙宗七年二月甲子禁內應明門南有犬吠

聲搜而不得 高宗二十九年十二月中部

南渠有狗兒一身兩臀六足二陰

定宗七年臨津縣獻白雉 景宗元年五月

壬辰京山府獻白鵲 顯宗五年四月庚午

白氣界天如匹布八年十一月己未夜白氣

如練竟天俄變爲赤祲九年正月癸亥白氣

如帶亘天十三年十二月己亥夜白氣漫天

別

月乙巳妖狐鳴于闕傍三月己酉狐鳴於苑
苑八月丁丑獐入城十年二月己卯獐入城
四月己卯獐入城十一年七月癸酉狐鳴康
安殿十三年九月己卯狐鳴于時坐所 恭
讓王二年正月辛未狐出壽昌宮西門走入
息親觀西岡三月甲申獐入城九月甲寅虎
入新都門下府搏人而去時遷漢陽纔數日
虎多害人畜人皆畏懼王遣使祭白岳木覓
城隍以禳之三年九月丙午虎入城四年五

月丁亥獐入孝思觀六月丙辰鹿入京城

熙宗七年二月甲子禁內應明門南有犬吠
聲搜而不得 高宗二十九年十二月中部
南渠有狗兒一身兩臀六足二陰

定宗七年臨津縣獻白雉 景宗元年五月
壬辰京山府獻白鵲 顯宗五年四月庚午
白氣界天如匹布八年十一月己未夜白氣
如練竟天俄變爲赤祲九年正月癸亥白氣
如帶亘天十三年十二月己亥夜白氣漫天

十七年十一月戊午夜白氣分五道亘天東
西二十年二月丙戌白鶴來巢于神鳳樓鵠
吻三月癸亥白氣亘天東西四月辛丑白氣
弥天二十一年七月丁巳白氣如布自北而
南 德宗三年八月癸亥白氣如雲從軫西
指翼張長二文餘二十七日而滅 靖宗六
年三月丁丑白氣經天 文宗六年六月癸
巳白氣竟天狀如魚鼈有青紫氣貫於其間
艮爻乃散七年正月丙午有白氣二條從西

北起貫日其一竟天十七年四月壬申乾巽
方白氣相衝亘天二十六年十二月丙子白
氣自乾抵巽連坤變為赤氣二十七年二月
乙未夜白氣竟天若道路南流而滅四月丙
子有氣如烟生于廣化門左右鵠尾長丈餘
三十四年正月丙子夜有白氣自昴貫於翼
軫 宣宗九年正月辛卯有氣如烟生于奉
恩寺太祖真殿 肅宗四年四月壬午白氣
貫心星癸未經天十二月癸亥夜白氣自西

射昴十年九月乙卯白氣漫天 睿宗元年
十二月庚辰有氣如烟生于神鳳門上鷓吻
數日四年五月乙卯夜白氣如匹練橫亘坤
艮艮久指巽而滅五年三月己酉夜素氣坤
艮相衝經天如布匹至夜央乃滅七年五月
庚申昏有白氣一條如匹練坤艮相衝艮久
乃滅十年三月己丑夜素氣如布匹見于乾
巽方十六年正月戊申夜白氣亘天 仁宗
元年二月丙午夜西方有白氣中央有赤氣

八年八月丙申白虹起自西方向北行滅日
者奏開元占云白虹露奸臣謀君宜反身修
德以答天譴十月戊子二更白虹相衝乾坤
方至地發見三更乃滅太史奏曰白虹出其
下有血白虹是百殃之本衆亂所基固當修
省以答天意故重華殿置度厄道場一七日
十一月癸卯白氣如匹練發普濟寺塔上至
天壬子日南至天氣清朗無風四方有白雲
小有西風太史奏天氣清朗萬物不遂風從

兌來秋多苦兵九年三月辛丑夜白氣二條
一在北方衝東西貫紫微宮一在南方衝東
西徑天十二年正月丙辰白氣見西方經北
極貫北斗又白氣向東行滅丁巳白氣見西
南貫天苑入北斗 毅宗元年五月丙子有
素氣從北方指巽如布十二年三月甲戌白
霧塞天 明宗四年正月己丑朔白霧九年
七月丁丑有氣如煙生廣化門左鷓尾九月
戊辰有氣如煙生廣化門鷓尾十年正月甲

子有氣如煙生廣化門左右鷓尾三月庚申
有氣如煙生廣化門鷓尾三日四月庚戌有
氣如煙生廣化門左右鷓尾九月丙寅有氣
如烟生廣化門左鷓尾癸酉又生廣化保定
二門鷓尾丁丑己卯又生廣化門十月庚寅
有氣如煙生廣化保定二門鷓尾辛丑有氣
如烟生廣化門左右鷓尾先是儀鳳門鷓尾
生煙而有癸巳之亂廣化門鷓尾生煙而致
仲夫之戮至是春夏以來又於廣化門鷓尾

比比生煙故重房大惡之或者謂此非煙也
蓋蚊蚋聚飛使然不足恠也重房喜令太史
肩祀之太史乃阿其意曰飛虫也識者恨之
及是煙氣復大出十一年二月癸卯乾艮方
有白氣變爲赤氣三月戊辰有氣如煙生廣
化門鷓尾癸酉有氣如煙生廣化門鷓尾六
日閏月甲申又生興國寺松樹四月癸酉有
氣如煙生廣化門鷓尾十三年四月丁未
有氣如煙生廣化門左鷓尾十四年二月辛酉

夜有白氣起自坤一向艮一向北橫天俄而
滅十八年五月癸丑白虹見于西北方二十
年正月庚午白虹竟天狀如練 神宗元年
四月癸未白虹見於乾方三年九月癸亥白
氣如匹練從午向艮 熙宗七年五月丁巳
夜白氣從星張翼軫大微北斗起而滅 高
宗六年四月癸巳白氣亘天六月辛未有氣
如煙生于藿井宮鴨脚樹四十二年正月庚
子白雲長五百尺許廣二尺東西橫天四十

三年二月甲子雨水銀四十五年十月己亥
西房有白氣衝天 元宗元年六月壬寅白
氣亘天五年六月丙午白虹見于南北方率
交夜白虹見于西南方十月己未白氣二道
見于坤艮方竟天六年三月丁亥微雨白如
洒粉十年正月己未夜白雲自巽竟天廣三
尺許十一年正月壬寅白氣東西竟天十四
年十二月丙寅白氣竟天 忠烈王元年正
月丙戌白氣如帶東北接于西南四年四月

丁巳白氣橫亘東西壬午白氣見于西方六
年十一月癸卯白氣亘天如練九年四月乙
巳有物白如鵠驚起於新殿騰空而上南墜
一里所忽不見二十一年三月乙巳朔白氣
見于艮巽坤三方二十九年八月壬寅白氣
見于西北橫亘東南 忠肅王元年三月丙
申白氣竟天三年十二月乙亥白虹見于西
北八年五月甲戌朔白氣見于乾方長二丈
許須臾變為弓矢狀中有星初如卷龍後如

蟠龍十一月丙戌良巽方有白氣九年九月
丙申白霧四塞十二月庚辰白氣見于昴星
度橫亘南北如練十一年三月壬子白氣見
于西方十六年五月己未晡時白氣竟天
恭愍王三年三月壬申白氣見于乾巽二方
六年十二月辛卯夜有白氣風雷雨七年八
月癸酉白氣見于西北方亘天如練八年四
月丙戌有氣如煙生于旻天寺三層殿鷓尾
十五年十一月癸未鵠峯上有白雲宮中謂

一
字
子

瑞氣十六年正月丙午夜西方大明如畫二
月乙亥午時白虹見于南方十七年四月庚
申有氣如煙生于演福寺佛殿二月二十二
年正月丁未夜白氣從南指北長三丈餘自
西而東乃滅二月庚辰白氣自西抵北如匹
練四月丁丑夜天雨白毛長二寸或三四寸
細如馬鬣戊寅夜雨白毛壬午癸未丁亥丙
申亦如之十一月癸卯白氣見于西北方閏
月己卯白氣見于東南方十二月丙午夜白

氣如虹二十三年三月壬午白氣如虹連亘
尾女間 辛禍二年十一月丁未西北面萬
戶金得齊獻白獐五年五月乙未夜白氣經
天六年二月壬午白氣如彗見于東北方七
年四月辛酉白氣如布貫月壬午有氣如煙
生于演福寺金堂東角翌日又生西角五月
庚寅白氣如布貫月 恭讓王二年四月丁
未白氣見于戶曹南池俄變為赤氣

4
八

志卷第九

高麗史五十五

正憲大夫工曹判書集賢殿大提學知 經筵春秋館事無成均大司成臣鄭麟趾奉

教修

五行三

4
二字个

五行五曰土土居中央生萬物者也而莫重
於稼穡土氣不養則稼穡不成金木水火沴
之而為異為地震為雨土時則有夜妖時則
有羸虫之孽時則有牛禍其徵恒風其色黃
是為黃背黃祥顯宗七年九月江南饑 靖

六例前分

氣如虹二十三年三月壬午白氣如虹連亘
尾女間 辛禡二年十一月丁未西北面萬
戶金得齋獻白獐五年五月乙未夜白氣經
天六年二月壬午白氣如彗見于東北方七
年四月辛酉白氣如布貫月壬午有氣如煙
生于演福寺金堂東角翌日又生西角五月
庚寅白氣如布貫月 恭讓王二年四月丁
未白禊見于戶曹南池俄變為赤禊

志卷第八

志卷第九

高麗史五十五

正憲大夫工曹判書集賢殿大提學知 經筵春秋館事無成均大司成臣鄭麟趾奉

教修

五行三

4 二字下

五行五曰土土居中央生萬物者也而莫重
於稼穡土氣不養則稼穡不成金木水火沴
之而為異為地震為雨土時則有夜妖時則
有羸虫之孽時則有牛禍其徵恒風其色黃
是為黃青黃祥顯宗七年九月江南饑 靖

六分例

宗六年二月靈光郡及臨陂縣饑 仁宗六年三月定州饑九年六月益州旱饑十年七月京城饑穀貴物賤銀瓶一斤直米五碩小馬一匹直一碩犍牛一頭直四斗布一匹直六升街巷餓殍相望 高宗十七年正月大饑道殣相望四十二年春大饑四十四年閏四月城中大饑四十六年正月大饑 忠烈王三年三月耽羅大饑民有闔門而死者六年四月全羅道饑十三年三月全羅道饑人

或有食其子者 忠穆王四年四月京城大饑 恭愍王三年六月饑布一匹直米斗三升六年東北面大饑七年四月東北面饑五月交州江陵道饑八年大饑九年四月慶尚全羅道饑死者過半棄道路者不可勝數六月京城饑布一匹纔直米五升十年三月龍州饑人相食四月西北面大饑盜賊蜂起十一年四月京畿饑十三年三月饑二十二年四月全羅慶尚道饑 辛禡四年五月京城

饑布一匹直米三四升六年六月京城饑布
一匹直米五升七年五月京城饑布一匹直
米一斗慶尚道高靈郡饑棄兒滿路飢死者
不可勝計八年閏二月無麥苗七月京城饑
布一匹直米三四升

顯宗九年四月京城疫王分遣醫療之二十
一年十二月京城疫人多死 明宗十七年
五月京城大疫命五部設道符神醮以禳之
高宗四十一年六月京城大疫死者相枕

四十二年京城大疫 元宗三年十月京城
大疫 忠烈王七年疫死者甚衆 恭愍王
二十三年三月京城大疫

太祖十五年五月甲申西京大風官舍頽毀
屋瓦皆飛王以為不祥聚僧誦經以禳之
光宗元年正月大風拔木王問禳災之術司
夫奏曰莫如修德自是常讀貞觀政要 穆
宗十二年正月庚戌幸崇教寺及還中路暴
風起折傘蓋柄 顯宗元年十二月癸巳西

京神祠旋風忽起二年六月丁巳暴風飛瓦
拔木四年四月壬申大風三日乃止六年四
月甲寅大風折木十一年十一月戊申朔大
風 靖宗六年七月丁丑暴雨疾風路人至
有僵死者廣化門鷓鴣頰 文宗四年二月
戊午朔暴風拔屋折木三日六年七月己未
大風毀屋折木三十六年九月癸卯大風拔
木 宣宗四年三月辛酉暴風丁丑大風拔
木六年四月寒風大起太史奏當有兵革旱

災請修德以禳之 獻宗元年正月戊戌朔
風從乾來太史奏當有憂 睿宗五年八月
庚辰大風拔木偃禾八年四月壬辰大風拔
木十一年六月庚午大風辛未亦如之十二
年四月癸未大風十四年六月丁酉大風十
七年十月癸丑大風雨雹震開國寺塔 仁
宗元年十月壬午大風拔木二年正月辛酉
大風拔木三月丙寅大風雨土閏月壬辰晝
晦大風昇平門鷓鴣尾動搖八月戊午驟雨大

風飛瓦拔木已未大風拔木辛酉暴風五年
八月辛巳暴風拔木六年九月丙午大風雷
雨電赤氣自乾方從紫微入艮方又黑氣南
北相衝八年六月癸未晡時暴風折木揚沙
雨電太史奏近來有臆說陰陽者交上消息
黷行齋醮譬如藥盡而病不盡老狀男女往
往聚集互唱佛號宜命御史臺及街衢所巡
行禁止從之七月辛亥暴風拔木雷電震五
正里人家松木太史奏自立夏至立秋後時

令不調風雨暴作或下雹此亦水旱兵喪之
災將來可畏齋祭修禳不足以消變願殿下
省躬修德上答天譴從之十月丙申大風拔
木九年二月戊寅大風拔木七月戊午大風
拔木九月癸亥暴風雷電雨雹十月乙酉大
風拔木十一月己亥大風雨雷電十一年十
二月庚寅大風拔木十二年八月甲午大風
拔木十三年五月庚子大風雨拔木十六年
六月丙寅暴風雨普濟寺羅漢堂毀八月戊

寅大風拔木暴雨震電十月庚辰大風霧塞
十八年六月戊辰有長風凡五日百穀草木
枯死過半蚯蚓出死於道路中可飼二十年
正月乙未朔大風終日飛沙走石丁巳大風
飛沙癸未大風雨土 毅宗元年五月己巳
大雨暴風發屋折木二年四月丙申暴風雨
雹卜一年正月戊辰風自乾來太史奏曰國
有憂王懼卜者內侍榮儀因進禳禱之說王
信之命於靈通敬天等五寺自是月至歲終

恒作佛事以禳之十二年八月庚子尚書刑
部奏決重刑大風雨拔木飛瓦十五年七月
丙申朔大風傷穀十八年五月壬子大風時
旱甚草木萎黃 明宗四年九月己卯大風
飛沙石二月八年三月壬戌大風揚沙石四
月甲戌大風揚沙石九月庚午大風昇平門
右角鷓尾頽九年七月乙酉大風傷穀九月
己未大風雷雪泰定門右鷓尾頽十年八月
壬午大風拔木十一年正月壬申大風拔木

高宗卷五十五
十七年七月壬子大風十八年八月乙酉大
風拔木十月丁丑大風雨二日 康宗元年
七月辛未大風拔木 高宗二年四月庚子
大風拔木翼日亦如之八月庚寅大風拔木
傷禾四年九月辛卯大風雨雹震麗正宮十
五年正月戊子大風拔木二十二年二月恒
風三十三年七月大風振屋四十一年正月
丁酉大風飛瓦三月乙酉大風拔木飛瓦閏
六月丙申大風雨拔木四十四年三月恒風

九月庚午大風飛瓦四十六年六月癸未大
風以雨 元宗十年六月壬寅風雨暴作拔
木飛瓦十三年三月丙戌暴風雷雨以雹
忠烈王六年八月全羅道大風七日川溢損
禾十一年七月辛卯大風拔木飛瓦十四年
八月己未大風傷禾十九年四月乙未暴風
雨傷禾麻二十一年七月壬午大風拔木二
十四年二月壬申大風雨二十六年九月乙
巳迅風雷雨 忠宣王三年二月戊辰大風

屋瓦皆飛 忠肅王五年五月癸未大風行
路不行六月乙巳大風雨六年八月戊子夜
大風十五年十一月甲申大風雨土後六年
十月丙申北風大作揚沙石積雪聲如雷人
馬不能前七年七月庚戌大風雨拔木偃禾
忠惠王後二年十二月丁卯大風拔松樹
數千章 忠穆王元年七月己亥大風以雨
拔松嶽樹 忠定王元年閏七月甲子大風
兩城中屋瓦皆飛儀鳳樓頽松岳龍首兩山

松盡拔十月庚寅風看樂樓頽二年六月丙
戌暴風疾雨拔木損禾三年正月己巳朝颶
風暴作至翌日乃止十二月乙酉颶風大作
恭愍王二年正月丙戌大風十一月丙戌
大風戊子大風三年正月甲子朔大風五年
正月乙未大風人馬欲仆六年九月乙亥大
風己卯亦如之戊子大風拔木飛瓦凡二日
七年二月乙卯暴風戊戌大風晝晦八年正
月癸亥大風拔木七月甲午大風以雨十二

年閏三月己卯旋風忽起吹亂市賈諸物高
舉空中落巡軍庭人爭拾取之十四年正月
己卯大風雪雷地震十五年九月庚寅夜大
風雨十六年二月壬戌大風終夜癸亥亦如
之三月辛卯王幸演福寺大設文殊會辛晦
從焉暴風終日黃塵漲天人不能開目會凡
七日而暴風三日大霜三日六月辛未大風
十七年八月己丑大風飛瓦拔木九月己酉
大風辛亥亦如之十二月丙戌大風十八年

九月戊申大風雨雹雷震人二十一年八月
丁丑大風雨拔木戊寅亦如之十月辛巳大
風雷 辛禡七年八月戊辰大風拔木十年
六月丙戌大風連夜十三年六月丙午暴風
折木飛瓦壞大廟東門十四年七月癸巳大
風拔木市廊頽 恭讓王元年七月丙子烈
風且雹三年八月丙辰全羅揚廣道大風拔
木

穆宗十二年九月恒霧至冬 顯宗五年十

月丁丑大霧竟日十一月戊戌大霧三日十
一年十月甲辰大霧咫尺不辨人物十二年
十一月辛卯大霧二十年二月乙丑大霧
德宗三年十一月庚子大霧 靖宗六年正
月戊午雲霧四塞至午乃收 文宗二十九
年十月庚子霧塞三十七年十二月辛未朔
虹見大霧連日 肅宗七年十月己卯霧八
年正月辛巳朔霧 睿宗元年十一月戊子
朔大霧三日十年十月己未霧塞不辨人物

一字子

十七年十一月丙午大霧木稼 仁宗元年
十月戊戌大霧二年九月乙未沉霧五年九
月丙午大霧十二月癸酉大霧六年十月戊
午昏霧四塞二日十一月甲午大霧四塞三
日七年十月丁亥大霧四塞十一月庚申大
霧終月八年九月丁卯大霧十一月甲辰大
霧九年十月壬申大霧壬午霧十年九月甲
戌大霧十一月甲戌大霧十一年正月朔丁
巳霧十二月丙戌霧塞五日木冰太史奏天

高麗史卷五十二

雨霧冷名降殃國有大憂惟寇之祥時妙清
等勸西幸故有此奏十二年九月癸巳大霧
十六年十月辛未大霧十九年十月庚午大
霧四塞 毅宗二年十二月戊午大霧三年
九月甲午大霧七年九月己亥霧塞十年四
月丙子霧塞十二年三月甲戌霧塞日無光
十四年十月丁未霧塞十八年十一月戊子
大霧癸卯陰霧四塞行者失路太史奏云霧
者衆邪之氣連日不解其國昏亂又霧起昏

亂十步外不見人是謂晝昏大闕明堂者祖
宗布政之所其制皆法天地陰陽故王者出
入起居不可無常今陛下處非其位任非其
人明堂久曠而不居天災可懼而不省移徙
無常號令不時故有此異王竟不悟 明宗
六年二月甲辰大霧十月辛丑大霧十一月
壬寅朔大霧七年二月丁丑大霧三月己酉
大霧自二月壬午至是晝夜恒霧日月無光
九月戊午大霧十月庚午大霧十二月己巳

大霧咫尺不辨人物八年九月乙未大霧五日九年九月恒霧太史奏請於光岩寺大觀殿內殿三處設消灾道場以禳之十月辛卯霧丙申霧四日十一年十月庚申大霧二日十二月庚戌大霧癸丑亦如之十三年十月壬子大霧十四年十一月丁亥大霧十五年十一月庚子太史奏自立冬以來沉霧又自今月七日至十日濛霧奸臣謀君其變可畏請修德消變王但禱佛祈神而已十六年十

月辛巳大霧十八年十月癸酉大霧三日二十年十月丁未大霧咫尺不見人物十一月庚申大霧二十三年正月己巳朔大霧十月庚申陰霧四塞二十六年十一月乙未大霧神宗二年十月庚申朔大霧五年十一月戊午大霧竟日咫尺不辨人九月壬辰大霧不辨人 熙宗四年二月癸卯沉霧 高宗七年正月癸丑大霧咫尺不辨人物八年十月戊午霧九年十二月甲申大霧十二年十

一書卷五十五
十一
一月壬戌大霧不辨人十四年十一月辛巳
霧二十一年十二月丙戌大霧三十六年十
一月壬戌霧十一月丙子大霧庚辰亦如之
三十七年十一月庚辰大霧三日三十八年
閏十月戊寅霧三十九年十月壬子霧十一
月庚寅霧四十年七月辛丑霧十一月甲申
霧已丑亦如之四十二年十二月甲子霧庚
寅大霧壬辰亦如之四十六年五月壬子大
霧咫尺不辨人 元宗元年十月己酉霧十

一月壬辰霧四年十一月丙午大霧咫尺不
辨人六年十月庚午大霧 忠烈王四年十
一月乙未霧庚子大霧咫尺不辨人物六年
十一月己酉大霧木稼十四年十月丁卯霧
戊辰亦如之十七年十一月丁未大霧三十
四年十一月戊午朝霧 忠肅王元年十月
甲辰大霧八年十月壬子朝霧九年九月丁
亥霧十一月乙卯霧十一年十一月壬辰霧
十五年九月丁丑霧十一月壬申霧十六年

十月庚戌大霧 忠肅王後四年十二月癸卯大霧六年十一月庚子大霧甲辰亦如之 忠穆王二年閏十月庚辰大霧四年十月甲申霧七日十一月乙未大霧丁酉霧戊戌亦如之甲辰大霧暖如春 恭愍王二年十一月庚午大霧三年十一月壬午大霧三日四年十月辛未大霧六年十一月丁巳大霧七年正月甲寅霧三月戊申霧十年十二月壬午大霧庚寅霧甚十一年十一月丁未

霽霧十二月丁丑大霧二日十四年十一月辛丑朝霧木稼十五年五月辛卯大霧十一月己亥大霧癸卯大霧三日十六年十月庚申霧乙丑亦如之十一月乙亥霧戊寅己卯甲申亦如之丙戌大霧十七年九月恒霧十一月癸亥霧十二月壬午大霧十八年正月甲辰霧二日己酉夜霧庚戌大霧二十一年八月庚午大霧十月己卯大霧十一月乙巳大霧終日十二月庚子霧二十二年四月己

卯大霧雨白毛遍國中庶人皆曰龍毛拾而
視之乃白馬驢也五月壬寅朔霧雨毛十月
丙子霧閏十一月辛巳霧二十三年正月乙
亥沉霧終日十月甲寅大霧十一月癸酉霧
塞 辛禍元年正月乙亥朝沉霧咫尺不辨
人物十月癸卯雲霧冥暗如春今然甲寅霧
塞二日十一月癸亥霧甚乙丑亦如之十二
月丙戌朔大霧戊戌霧昏雷電癸丑霧二年
十月乙亥沉霧十一月丙戌霧雨雷震電三

年十一月丁亥霧塞十二月辛亥霧壬子陰
霧木稼五年八月癸巳大霧咫尺不辨人九
月丙申霧塞十月戊辰大霧壬辰大霧凡七
日六年十月丙子霧十一月辛卯霧七年十
月辛酉大霧十二年十二月丁酉昏霧四塞
十三年十月壬子霧壬申亦如之十二月庚
戌朝霧不辨人物壬戌朝霧十四年十一月
丙戌大霧 恭讓王元年十月己丑霧丙午
亦如之癸丑霧三日戊午朝霧癸亥亦如之

甲子霧塞十一月己巳朝霧己卯大霧甲申亦如之二年十月甲子大霧甲申沉霧木稼乙酉大霧凡三日十一月庚戌霧三年十月辛酉大霧

仁宗二年正月丙辰晝晦 毅宗十二年十月乙卯幸白州丙辰入御重興闕丁巳受賀于大化殿是日天地昏黑大風拔木王頗疑之多方祈禳十一月丙子天暗如夜溫如三四月 高宗十二年十月戊戌雲雨晦冥不

辨人面 辛禡十二年十一月庚午終日昏

黑木稼如冰四月

顯宗九年二月癸未雨土四月丙寅雨土

顯宗二年三月丙戌雨土丁酉亦如之六年

二月甲午雨土七年二月癸卯雨土色黃

文宗二十年二月乙未雨土二十九年四月

庚午雨土 宣宗八年四月辛丑雨土三日

睿宗十四年三月乙卯雨土 仁宗二年

三月丙辰雨土三日九年十月壬辰雨土大

一
字
子

一
字
子

甲子霧塞十一月己巳朝霧己卯大霧甲申亦如之二年十月甲子大霧甲申沉霧木稼乙酉大霧凡三日十一月庚戌霧三年十月辛酉大霧

仁宗二年正月丙辰晝晦 毅宗十二年十月乙卯幸白州丙辰入御重興闕丁巳受賀于大化殿是日天地昏黑大風拔木王頗疑之多方祈禳十一月丙子天暗如夜溫如三四月 高宗十二年十月戊戌雲雨晦冥不

辨人面 辛禡十二年十一月庚午終日昏

黑木稼如冰四月

顯宗九年二月癸未雨土四月丙寅雨土

靖宗二年三月丙戌雨土丁酉亦如之六年

二月甲午雨土七年二月癸卯雨土色黃

文宗二十年二月乙未雨土二十九年四月

庚午雨土 宣宗八年四月辛丑雨土三日

睿宗十四年三月乙卯雨土 仁宗二年

三月丙辰雨土三日九年十月壬辰雨土大

一
字
可
也

風雨雹癸巳雨土十一月甲午雨土乙未亦
如之十五年二月乙未雨土數日十六年二
月庚申雨土十月戊寅雨土十七年二月丁
卯雨土十八年二月戊子雨土大霧二十年
正月甲申雨土十二月丁卯雨土二十一年
十二月乙酉雨土 毅宗二年三月丁卯雨
土六年三月壬子雨土九年正月丙辰雨土
戊辰亦如之 明宗十六年正月壬寅雨土
十七年二月丁亥雨土十八年二月癸酉雨

土二十三年十月壬子雨土 神宗元年二
月乙酉雨土三年閏二月戊申四方昏濛雨
土二日庚午雨土四方昏濛竟日四年四月
庚辰朔雨土 高宗十一年二月壬申雨土
九月癸未雨土壬辰亦如之十三年三月丙
子雨土四十二年四月甲子雨土四十五年
三月丙戌雨土辛卯亦如之 元宗元年正
月庚辰雨土甲午雨土日昏無光九月癸巳
雨土 忠烈王三十二年二月庚午雨土

一字子
四四

忠宣王三年二月乙亥雨土 恭愍王二十二年四月丁酉雨土

太祖十一年六月甲戌碧珍郡地震 光宗

二十二年十二月壬寅地震二十三年二月

地震 顯宗三年三月庚午慶州地震十二

月丁丑慶州地震四年二月壬午慶州地震

三月辛丑金州地震十一月丁未金州地震

十二月丙戌金慶二州地震五年八月丙子

慶州地震六年十一月甲申慶州地震十一

年閏十一月癸巳漣州地震十四年五月乙

亥金州地震十五年十一月己酉尚州地震

十六年四月辛未嶺南道廣平河濱等十縣

地震壬申乙亥亦如之七月丁亥慶尚清州

安東密城地震二十一年二月甲午交州翼

嶺洞山縣地震 德宗元年十月尚州等處

十餘縣地震二年六月壬寅安東府陝州地

震 靖宗元年六月丙辰京城地震八月辛

未京城地震聲如雷九月癸卯慶州等處十

九州地震二年六月戊辰京城及東京尚廣
二州安邊府等管内州縣地震多毀屋廬東
京三日而止八月戊辰東京管内州縣及金
州密城地震聲如雷三年九月己酉龜朔博
泰等州威遠鎮地震 文宗六年二月丁丑
朔安西都護府地震十二年四月壬子地震
二十年四月庚寅京城地震二十七年正月
乙巳地震 宣宗九年十二月壬申地震
肅宗八年十一月己丑京城地震十二月戊

一字子
乙巳

午京城地震 睿宗十二年十二月戊午地
震 仁宗十二年六月己卯東京地震十五
年三月乙亥西京地震 毅宗六年三月丙
申朔地震四月丙寅地震十三年十一月乙
未地震聲如雷十七年十月丙寅地震 明
宗九年十一月戊午地震十四年三月辛丑
京城地震占曰臣不臣二十六年二月丁卯
京城地震占曰號令從臣出 康宗二年三
月甲子羅州地震 高宗二年正月辛未地

高麗史卷五十五
十一
震六年八月庚午地震十年八月甲申西京
地大震已酉亦如之十三年正月辛卯地震
十月己丑地震屋瓦皆墮乙未又震十四年
二月庚寅地大震癸卯亦如之十五年正月
丙子朔地震十一月辛未朔地震十八年十
月壬戌地震三十三年十一月乙丑地震四
十一年八月甲戌地震四十四年九月辛酉
京城地震 元宗元年五月庚戌地大震墻
屋崩頽京都尤甚七月癸酉地震二年正月

辛巳地震六月壬子地大震五年二月壬子
京城地震十月辛酉地震聲如雷十一年二
月戊子地大震十三年三月戊寅地震十月
乙未地震 忠烈王二年十一月乙巳地震
三年九月癸卯地震四年九月丁酉地震七
年正月庚申地震閏八月癸丑地震十年四
月癸卯地震十一年二月癸丑地震十九年
十月甲辰地震二十一年十月丙寅地震
忠肅王元年閏三月癸未地震五年二月己

一字子

亥地震夜大風雨隼庭東西廊頽十五年十
月乙巳地震十一月乙酉地震十七年十一
月丙戌地震 忠惠王元年正月辛丑地震
忠肅王後六年十月己卯禮城縣地震七
年六月丙寅幸白州燈巖寺地大震夜又震
乙亥地三震壬午又震丙戌丁亥亦如之七
月乙卯地震八月壬午地震八年五月辛酉
地震九月丁卯地震 忠惠王後四年三月
癸酉地震三日四月丁丑地震翊日又震五

月癸酉地震 忠穆王元年正月甲午地震
二月乙卯地震 恭愍王元年五月己丑地
大震二年四月甲辰地震四年六月辛巳地
震六年閏九月丙辰地大震疾風雷雨七年
十月壬午地震大雨雹雷電十年十月戊子
地震十一年三月甲子地震四月丙申地震
十月辛巳雷地震十二年二月庚辰地震三
月壬寅地震十四年五月乙丑地震十五年
五月甲午地大震乙巳京城地大震十六年

七月丙申地震十一月丁酉雷地震十九年
正月壬子地震二十三年三月丙子地震十
一月己巳地大震 辛禡二年五月庚午地
震鷓巖吼四年二月壬申地震十一月辛巳
地震五年四月甲辰地震十年四月丙子地
震五月戊申地震十一年七月戊寅地震聲
如陣馬之奔墻屋頽圯人皆出避松岳西嶺
石崩禡曰此地震無乃天欲陷遼東耶己卯
地震三日十月戊申地震 恭讓王元年十

一月甲戌地震三年七月丙戌朔地震壬辰
亦如之八月乙丑地震

穆宗五年六月耽羅山開四孔赤水湧出五
日而止其水皆成瓦石十年耽羅瑞山湧出
海中遣大學博士田拱之往視之耽羅人言
山之始出也雲霧晦冥地動如雷凡七晝夜
始開霽山高可百餘丈周圍可四十餘里無
草木烟氣竊其上望之如石硫黃人恐懼不
敢近拱之躬至山下圖其形以進 顯宗三

年二月乙卯松岳大石頽四年六月癸酉松
岳頽六年六月甲子揚州負兒山頽十一年
五月戊辰智異山頽十二年二月辛亥五冠
山頽三月丙申玄化寺北山頽出玉璞十八
年二月庚寅九龍山頽七月癸亥松岳頽二
十年二月庚午五冠山頽二十一年七月庚
午東北界顯德鎮以北山多崩頽 德宗三
年五月壬午隕石于松岳 靖宗元年七月
庚寅三角山積石頂有隕石九月癸巳皇城

西北山石頽六年二月辛丑松岳大石頽九
年五月辛卯松岳神祠大石頽 文宗四年
三月丁酉松岳西麓大石頽二十七年七月
戊午松岳祠東南大石頽 宣宗二年十一
月辛亥三角山石頽七年六月丁酉金剛山
石頽八年四月丁未松岳石頽 肅宗二年
九月己未宮城北大石頽四年四月庚辰松
岳大石頽五年八月丁未金身山東岡石頽
睿宗元年二月戊子三角山負兒峯頽二

年四月辛酉三角山國望峯西石頽十六年
二月丙寅王輪寺西北山石頽五月己酉北
山甓率堀山石頽 仁宗十年閏四月丁未
北崇山岩石自裂 毅宗元年七月海州牛
耳山大石頽六年九月癸巳三角山負兒石
頽 明宗六年五月乙丑松嶽兩祠間大石
自拆為三三月乙卯三角山石頽十七年八
月丁巳三角山國望峯石頽十八年七月己
酉永平門路師子岩自裂為三二十二年十

二月庚申五冠山石頽長十五尺二十四年
二月丙午隕石于松岳山 熙宗六年三月
己酉三角山中峯崩 康宗二年五月東林
寺北嶺石墮 忠烈王十九年四月辛亥摩
利山崩聲如震 忠肅王後元年七月丙子
松岳大石頽裂為五 忠穆王元年三月丁
酉松岳西峯上石墜 恭愍王元年六月丙
寅松岳西麓大石頽十六年二月丁巳松岳
祠南虎岩頽二十三年七月癸巳三角山中

高麗史卷之二十三 二十一

年四月辛酉三角山國望峯西石頽十六年
 二月丙寅王輪寺西北山石頽五月己酉北
 山斃率堀山石頽 仁宗十年閏四月丁未
 北崇山岩石自裂 毅宗元年七月海州牛
 耳山大石頽六年九月癸巳三角山負兒石
 頽 明宗六年五月乙丑松嶽兩祠間大石
 自折為三三月乙卯三角山石頽十七年八
 月丁巳三角山國望峯石頽十八年七月己
 酉永平門路師子岩自裂為三二十二年十

二月庚申五冠山石頽長十五尺二十四年
 二月丙午隕石于松岳山 熙宗六年三月
 己酉三角山中峯崩 康宗二年五月東林
 寺北嶺石墮 忠烈王十九年四月辛亥摩
 利山崩聲如震 忠肅王後元年七月丙子
 松岳大石頽裂為五 忠穆王元年三月丁
 酉松岳西峯上石墜 恭愍王元年六月丙
 寅松岳西麓大石頽十六年二月丁巳松岳
 祠南虎岩頽二十三年七月癸巳三角山中

峯崩 辛禡二年二月甲寅天磨山廣巖石
頽六年七月乙巳三角山墨嶺中峯崩十一
年七月庚辰廣州渡迷寺山頂水湧漂没人
家十四年六月壬申三角山國望峯崩
太祖八年三月癸丑蟾出宮城東魚堤多不
可限丙辰蚯蚓出宮城長七十尺時謂渤海
國來投之應 仁宗四年五月丁丑有蜂群
飛自興國寺至廣化門相連不絕 明宗九
年七月戊辰靈通寺內大蟻群聚徑二尺餘

別行

閩三日死者十八九十七年五月蟲食栗葉
高宗八年三月戊申雨有青色蚯蚓自壽
昌門外至和義門南板橋滿路而行人皆避
之十四年三月丁丑壽昌宮西門外大路至
板橋蚯蚓出或如絲絡或如布筭不可勝數
十五年三月癸未自壽昌宮門至西門路青
色蚯蚓長三寸許多隨雨下三十三年五月
雨毒蟲其蟲衰細剖之如斫白毛隨飲食
入人腹中或啞皮膚人輒死時號食人蟲試

以諸藥不死塗以葱汁便死 恭愍王八年五月丁酉赤黑群蟻相戰司天監奏兵志曰螻蟻戰兵大興九年四月壬辰赤黑群蟻相戰與前年皆初六日也

顯宗八年六月螟九年五月西北界螟

太祖二十年十一月軍岳鄉牛生犢一身兩

頭 顯宗十八年西京民家牛生犢一身兩

頭 肅宗四年二月東北面定州民家牛生

犢一身兩頭三耳 仁宗二十年十月戊寅

別行

以西南路州郡牛馬疫遣日官分道祈禳

明宗九年三月甲申南原府民家有牛生犢

兩頭兩耳十七年八月丙申清州民家牛生

犢一身兩頭 高宗十八年十一月己丑王

輪寺牛生犢一身兩頭一頭兩耳一頭一耳

忠烈王五年十二月慶尚道牛疫屠者爛

手而死 辛禡十年四月辛卯松山石方寺

犛牛產牝牡兩犢十三年十二月祭牲自死

顯宗四年正月庚申黃霧四塞九年四月庚

一字

高麗史卷五十五 二十六
午黃霧四塞凡四日 肅宗十年二月丁未
黃赤氣發自東咸貫帝座南長三丈許 仁
宗四年三月癸巳黃霧四塞六年六月戊寅
黃赤氣東西竟天 毅宗十年四月丁亥黃
赤霧塞 明宗四年十二月乙未黃霧四塞
六年正月癸酉雨黃土十八年七月戊申東
界鎮溟境內黃虫黃鼠隨雨而下大損禾稼
高宗十三年五月壬戌黃霧四塞四十年
三月庚辰西南有黃赤氣八月庚戌西有黃

赤氣光明異常四十四年六月甲戌黃赤雲
周天光明如晝四十五年十二月甲午東有
黃赤氣衝天 元宗十四年正月乙卯東方
有黃紫氣中有直豎衝天者如塔 恭愍王
十年六月癸卯開城大井黃沸十四年三月
庚午黃霧四塞十五年十月甲子夜黃霧十
二月乙丑黃霧四塞十七年八月丁亥黃霧
九月丙辰黃霧四塞庚申亦如之 辛禡十
一年三月戊寅連州澄波渡黃濁三日

別

穆宗四年中原府長淵縣水田三結陷為池
深不可測 明宗二十一年八月德水縣地
陷深三文 高宗元年五月庚辰西京法器
寺屋一間地陷周八十二尺深二十尺許
忠烈王二十四年正月壬寅壽寧宮西門外
地拆泉湧高數尺自午至酉而止 忠宣王
三年九月辛酉毀古壽寧宮御座地拆長數
步

一字

文宗二十三年三月丁亥貞州海中沙土忽

聖

堆積如島嶼舟船阻碍命有司禳之乃滅
仁宗四年四月庚子興王寺三層殿主佛頭
無故自落 明宗十七年四月癸酉智異山
神像頭忽亡王遣中使索之數月乃得

別

成宗十一年九月登州稻穗長七寸黍穗長
一尺四寸 顯宗三年八月東北州鎮有年
肅宗三年十月靈光郡及管內郡縣稻一
種再熟 睿宗十一年六月丙子尚州獻瑞
麥一莖四穗十二年六月丙寅尚州獻瑞麥

高麗史卷五十一 二

別

穆宗四年中原府長淵縣水田三結陷為池
深不可測 明宗二十一年八月德水縣地
陷深三文 高宗元年五月庚辰西京法器
寺屋一間地陷周八十二尺深二十尺許
忠烈王二十四年正月壬寅壽寧宮西門外
地拆泉湧高數尺自午至酉而止 忠宣王
三年九月辛酉毀古壽寧宮御座地拆長數
步

一字子
呂

文宗二十三年三月丁亥貞州海中沙土忽

別

堆積如島嶼舟船阻碍命有司禳之乃滅
仁宗四年四月庚子興王寺三層殿主佛頭
無故自落 明宗十七年四月癸酉智異山
神像頭忽亡王遣中使索之數月乃得
成宗十一年九月登州稻穗長七寸黍穗長
一尺四寸 顯宗三年八月東北州鎮有年
肅宗三年十月靈光郡及管內郡縣稻一
種再熟 睿宗十一年六月丙子尚州獻瑞
麥一莖四穗十二年六月丙寅尚州獻瑞麥

高麗文宗二十三年三月丁亥貞州海中沙土忽

兩歧三穗上表以賀 恭愍王十五年十月
壬子全羅道都巡問使金庚獻十節稻 辛
禍九年五月甲子慶尚道晉州大麥一莖一
穗三四歧

4
志卷第九

兩歧三穗上表以賀 恭愍王十五年十月
壬子全羅道都巡問使金庚獻十節稻 辛
禍九年五月甲子慶尚道晉州大麥一莖一
穗三四歧

志卷第九

